



## Andijon viloyati Sog'liqni saqlash boshqarmasi boshlig'ining

### BUYRUG'I

2019 yil " 06 " May

№ 131

Andijon sh.

#### Вилоят соғлиқни сақлаш бошқармаси тизимида давлат-хусусий шерикликни ривожлантириш чора-тадбирлари тўғрисида

Ўзбекистон Республикаси Президентининг 2019 йил 16 апрелдаги "Соғлиқни сақлаш соҳасида давлат-хусусий шерикликни ривожлантириш чора-тадбирлари тўғрисида"ги ПҚ-4290-сонли қарори ҳамда Соғлиқни сақлаш вазирининг 2019 йил 2 майдаги 114-сонли буйруғи ижросини таъминлаш мақсадида

#### БУЮРАМАН:

1. Ўзбекистон Республикаси Президентининг 2019 йил 16 апрелдаги "Соғлиқни сақлаш соҳасида давлат-хусусий шерикликни ривожлантириш чора-тадбирлари тўғрисида"ги ПҚ-4290-сонли қарори ҳамда Соғлиқни сақлаш вазирининг 2019 йил 2 майдаги 114-сонли буйруғи раҳбарлик ва ижро учун қабул қилинсин.

2. Ушбу буйруқ ижросини таъминлаш бўйича Соғлиқни сақлаш вазирлигининг чора-тадбирлар режаси 1-иловага мувофиқ тасдиқланганлиги инобатга олинсин.

3. Вилоят соғлиқни сақлаш бошқармаси тизимидаги вилоят даволаш-профилактика муассасалари раҳбарлари, шаҳар ва туман тиббиёт бирлашмалари бошлиқларига:

бир ой муддатда ва кейинчалик ҳар йилнинг 1 декабрига қадар, эҳтиёждан ортиқча бўлган ер участкалари, бўш турган бинолар ёки уларнинг қисмлари ва хоналари, самарасиз фаолият кўрсатаётган тиббиёт муассасалари ва бўлинмалари тўғрисидаги маълумотни;

бир ой муддатда соғлиқни сақлаш соҳасида бирламчи аҳамиятга эга бўлган давлат-хусусий шериклик лойиҳаларининг концепциясини;

Соғлиқни сақлаш соҳасида давлат-хусусий шериклик тўғрисида Низомнинг 4-бандига мувофиқ лойиҳани амалга ошириш шакли (соғлиқни сақлаш соҳасида жамоат инфратузилмасини лойиҳалаштириш, қуриш, реконструкция қилиш, ташкил этиш, жиҳозлаш, модернизациялаш, молиялаштириш, фойдаланиш ва унга хизмат кўрсатиш; соғлиқни сақлаш соҳасида ишларни амалга ошириш, хизматлар кўрсатиш ва товарлар билан таъминлаш);

лойиҳанинг номи;

лойиҳанинг якуний натижаларини эътиборга олган ҳолда асосланиши;

лойиҳанинг амалга ошириладиган манзили;

878100

лойиҳани амалга ошириш учун зарур бўлган, лойиҳа қамраб оладиган тиббий муассасалар, шунингдек ер участкалари, бино ва иншоотлар ёки уларнинг қисмлари, давлат тиббиёт муассасалари бинолари (хоналари) тўғрисидаги маълумотлар;

лойиҳани амалга оширишнинг тахминий режа-жадвали ва муддатлари;

жамоат инфратузилмасининг техник-иқтисодий кўрсаткичлари;

режалаштирилаётган инвестициялар ҳажми;

лойиҳанинг даромад манбалари;

лойиҳани амалга оширишнинг асосий хатарлари тақсимланиши.

ҳар чоракда, тиббиёт муассасасининг асосий вазифалари ва ихтисослик йўналишидан келиб чиққан ҳолда, давлат-хусусий шериклик лойиҳалари концепциясини Давлат-хусусий шерикликни ва тиббий туризмни ривожлантириш бош бошқармасининг Андижон вилоят ҳудудий бўлимига тақдим этиб борилсин.

Белгилаб қўйилсинки, соғлиқни сақлаш соҳасида давлат-хусусий шериклик лойиҳаларини тизимига жорий этишда ташаббус кўрсатиш, лойиҳаларни амалга ошириш жараёнида зарур бўлган ҳужжатларни тайёрланиши, уларга хулоса бериш ҳамда мавжуд муаммоларни ҳал қилишда вилоят соғлиқни сақлаш тизимининг ташкилий тузилмасидаги ташкилот ва муассасалар раҳбарлари шахсан масъул ҳисобланади.

4. Давлат-хусусий шериклик лойиҳалари концепцияларини кўриб чиқиш ва хулоса бериш бўйича ишчи гуруҳ таркиби 1-иловага мувофиқ тасдиқлансин.

Ишчи гуруҳнинг асосий вазифаси соғлиқни сақлаш соҳасида давлат-хусусий шериклик лойиҳалари концепциясини ишлаб чиқишда қатнашиш, таҳлил қилиш ва хулоса беришдан иборат эканлиги кўрсатиб ўтилсин.

Давлат-хусусий шериклик лойиҳалари концепциясига хулоса беришда қуйидаги мезонлар инобатга олинсин:

лойиҳа концепциясининг иқтисодий ва ижтимоий самарадорлиги;

лойиҳа концепциясида юқори технологияли тиббий хизматни ташкил этилиши кўзда тутилганлиги;

лойиҳани амалга ошириш билан боғлиқ молиявий-иқтисодий ҳисоб-китоблар тўғрилиги, ҳаққонийлиги;

лойиҳа концепциясида ижтимоий ва инфратузилмавий муаммоларни ҳал этишга қаратилгани, шу жумладан, соғлиқни сақлаш соҳасига киритиладиган инвестициялар миқдори;

лойиҳа концепциясига асосан янгидан қуриладиган тиббиёт ташкилотларининг объектларини лойиҳалаштириш ва қуриш масалалари;

лойиҳа концепциясига асосан тиббиёт йўналишида ҳалқаро стандартлар ва тавсияларнинг жорий этилиши;

лойиҳа концепциясига асосан ҳудудлар бўйича янги турдаги замонавий тиббий хизматларнинг жорий этилишига эътибор қаратилганлиги;

лойиҳа концепциясида она ва бола соғлигини сақлашни мустаҳкамлаш, чақалоклар ва болаларнинг соғлом овқатланишини яхшилаш масалалари кўзда тутилганлиги;

лойиҳа концепциясида санитария-эпидемиологик вазиятни барқарорлаштириш, шу жумладан, юқумли касалликлар тарқалишининг



профилактикаси ва даволаш, сурункали касалликларни даволашга эътибор қаратилганлиги;

лойиха концепциясида “Электрон соғлиқни сақлаш” тизимларини кенг жорий этиш, ягона миллий стандартлар асосида интеграциялашган ахборот тизимлари ва маълумотлар базалари мажмуини яратишга эътибор қаратилганлиги;

хусусий тиббиёт ташкилотини ташкил қилиш, уларнинг тиббий фаолиятини лицензиялаш масалалари;

лойиха концепциясида тиббиёт кадрларини тайёрлаш, қайта тайёрлаш ва уларнинг малакасини ошириш масалаларига эътибор қаратилганлиги;

лойиха концепциясида инновацион ғоялар, ишланмалар ва технологиялардан кенг фойдаланишга асосланган давлат тиббиёт муассасасининг замонавий шакллари жорий этишнинг мавжудлиги;

лойиха концепциясида халқаро стандартлар асосида менежмент ва тиббиёт хизматлари сифатини бошқаришнинг замонавий тизимларини, шунингдек, аҳолининг соғлиқни сақлаш сифатидан қониққанлигини баҳолаш механизмларини жорий этиш масалаларига эътибор қаратилганлиги;

тиббиёт муассасаларининг халқаро алоқаларини ривожлантириш ва халқаро обрўсини оширишга қаратилганлиги;

лойиха концепциясида саломатликнинг ижтимоий ва иқтисодий кўрсаткичларига салбий таъсир кўрсатаётган муаммоларни ҳал қилиш, соғлом ва хавфсиз атроф-муҳитни ривожлантириш, сув таъминоти, соғлом овқатланиш, шунингдек, соғлом турмуш тарзини шакллантириш масалаларига эътибор қаратилганлиги.

5. Давлат-хусусий шерикликни ва тиббий туризмни ривожлантириш бош бошқармасининг Андижон вилоят ҳудудий бўлими (М.Зулунов)дан:

муассасалар томонидан давлат-хусусий шериклик асосида лойиҳаларни амалга оширишга берилаётган эҳтиёждан ортиқча ер участкалари, бўш бинолар, бино қисмлари ва хоналар тўғрисидаги маълумотларни назоратга олиш;

Давлат-хусусий шериклик лойиҳаларининг концепцияларини тайёрлашда муассасаларга ҳамда лойиҳа ташаббускорларига амалий кўмаклашиш;

бир ой муддатда илгор халқаро тажрибани инобатга олган ҳолда, соғлиқни сақлаш соҳасида давлат-хусусий шериклик тендерларига тақдим этиладиган бирламчи ҳужжатларни ўз вақтида, сифатли тайёрланишини таъминлаш сўралсин.

6. Давлат-хусусий шериклик лойиҳалари концепцияларини кўриб чиқиш ва хулоса бериш бўйича ишчи гуруҳнинг хулосаси банёнома билан расмийлаштирилсин ва ижобий хулоса берилган лойиҳа концепциялари асосида тендерга киритиш учун Соғлиқни сақлаш вазирлигига тақдим қилинсин.

7. Мазкур буйруқ ижросини назорат қилиш бошқарма бошлиғи ўринбосари Р.Асқаров зиммасига юклатилсин.

**Бошқарма бошлиғи**



**А.Абдурахманов**

Соғлиқни сақлаш вазирининг  
2019 йил "02.05" даги  
114 -сонли буйруғига  
1-ИЛОВА

**Ўзбекистон Республикаси Президентининг 2019 йил 16 апрелдаги ПҚ-4290-сон “Соғлиқни сақлаш соҳасида давлат-хусусий шерикликини  
ривожлантириш чора-тадбирлари тўғрисида”ги қарори ижросини таъминлаш бўйича Соғлиқни сақлаш вазирлигининг  
ЧОРА-ТАДБИРЛАР РЕЖАСИ**

т/р	т/р	Тадбир номи	Амалга ошириш механизми	Ижро муддати	Масъул ижрочилар
1.	5.	Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари ҳамда республика ихтисослаштирилган илмий-амалий тиббиёт марказлари билан биргаликда бир ой муддатда ва кейинчалик ҳар йили давлат-хусусий шериклик шартлари асосида лойиҳаларни амалга ошириш мақсадида давлат тиббиёт муассасаларининг ер участкалари, биноларнинг ёки уларнинг қисмлари, шунингдек, самарасиз фаолият кўрсатаётган давлат тиббиёт муассасалари ҳамда соғлиқни сақлаш соҳасида устивор йўналишга эга бўлган тиббий ва қўшимча хизматлар рўйхатини шакллантирсин ва улар тўғрисидаги маълумотларни тегишли ихтисослашган веб-сайтларга жойлаштирсин;	1. Эҳтиёжларидан ортиқча бўлган ер участкалари, биноларнинг ёки уларнинг қисмлари, шунингдек, самарасиз фаолият кўрсатаётган давлат тиббиёт муассасалари ва унинг бўлинмалари рўйхатини шакллантириш ва рўйхатни Давлат-хусусий шериклики ва тиббий туризмни ривожлантириш бош бошқармасига тақдим этиш.	2019 йил 10 май	Қорақалпоғистон Республикаси ССБ, Тошкент шаҳар ва вилоятлар ССБ бошлиқлари, Тиббий олий ўқув юртлари ва филиаллари, академик лицей ва тиббиёт коллежлари, Тошкент врачлар малакасини ошириш институти, РИИАТМлари, санаториялар ва барча даволаш-профилактика муассасаларининг раҳбарлари
			2. Соғлиқни сақлаш соҳасида устивор йўналишга эга бўлган тиббий ва қўшимча хизматлар рўйхатини шакллантириш.	2019 йил 16 май ва ҳар йилнинг 1 декабрига қадар	
			3. Тегишли маълумотларни тегишли ихтисослашган веб-сайтларга жойлаштириш;	1 кун муддатда	

К.Эшназаров,  
Ф.Санаев,  
Д.Усмонов

	<p>уч ой муддатда соғлиқни сақлаш соҳасида, шу жумладан республика ихтисослаштирилган илмий-амалий тиббиёт марказлари иштирокида амалга ошириладиган бирламчи аҳамиятга эга бўлган давлат-хусусий шериклик лойиҳаларининг концепциясини ишлаб чиксин ва белгиланган тартибда тасдиқласин. 2019 йил 15 августга қадар давлат-хусусий шериклик битимларини тузиш ҳукуқини берувчи тендер эълон қилсин.</p>	<p>4. Соғлиқни сақлаш соҳасида бирламчи аҳамиятга эга бўлган давлат-хусусий шериклик лойиҳаларининг концепциясини ишлаб чиқиш;</p>	<p>2019 йил 16 июн</p>	<p>К.Эшназаров, РИИАТМлари раҳбарлари</p>
		<p>5. Ҳар чоракда, тиббиёт муассасанинг асосий вазифалари ва ихтисослик йўналишидан келиб чиққан ҳолда, давлат-хусусий шериклик лойиҳалари концепциясини Давлат-хусусий шерикликни ва тиббий туризмни ривожлантириш бош бошқармаси ва унинг ҳудудий бўлимларига тақдим этиш.</p>	<p>ҳар чоракда 30-санага қадар</p>	<p>К.Эшназаров, Қорақалпоғистон Республикаси ССВ, Тошкент шаҳар ва вилоятлар ССБ бошликлари, Тиббий олий ўқув юртлари ва филиаллари, академик лицей ва тиббиёт коллежлари, Тошкент врачлар малакасини ошириш институти, РИИАТМлари, санаториялар ва барча ДПМларининг раҳбарлари</p>
		<p>Тасдиқланган лойиҳа концепциялари асосида тендер савдоларини Соғлиқни сақлаш вазирлигининг расмий веб-сайтида ва бошқа расмий веб-сайтларда эълон бериш.</p>	<p>2019 йил 10 август</p>	<p>К.Эшназаров, Ф.Санаев, Д.Усмонов</p>

2.	6.	Ўзбекистон Республикаси Соғлиқни сақлаш вазирлиги: Ўзбекистон Республикаси Молия вазирлиги ҳузуридаги давлат-хусусий шерикликни ривожлантириш агентлиги ва республика ихтисослаштирилган илмий-амалий тиббиёт марказлари билан биргаликда, шу жумладан, Соғлиқни сақлаш вазирлиги республика ихтисослаш-тирилган илмий-амалий тиббиёт марказларининг бюджетдан ташқари маблағлари, техник кўмак маблағлари ва қонунчиликда тақиқланмаган бошқа манбалар ҳисобидан экспертлар ва консультантларни жалб қилган ҳолда давлат-хусусий шериклик лойиҳалари-нинг концепциялари, битимлари ҳамда тендер ҳужжатларини ишлаб чиқишлигини таъминласин;	Экспертлар ва консультантларни жалб қилган ҳолда давлат-хусусий шериклик лойиҳаларининг концепциялари, битимлари ҳамда тендер ҳужжатларини ишлаб чиқиш;	2019 йил 15 июн	К.Эшназаров, РИИАТМлари раҳбарлари
		Ўзбекистон Республикаси Инвестициялар ва ташқи савдо вазирлиги билан биргаликда хорижий инвесторларга давлат-хусусий шериклик лойиҳалари тўғрисида маълумот етказилишини, шу жумладан Соғлиқни сақлаш вазирлигининг расмий веб-сайтида ва “Инвестиция портали”да эълон бериш орқали таъминласин;	Хорижий инвесторларга давлат-хусусий шериклик лойиҳалари тўғрисида маълумотни Соғлиқни сақлаш вазирлигининг расмий веб-сайтида ва Инвестициялар ва ташқи савдо вазирлигининг “Инвестиция портали”да эълон бериш;	2019 йил 25 июн	К.Эшназаров, Д.Усмонов
		Давлат бошқаруви академияси, бошқа таълим ва илмий тадқиқот муассасалари билан биргаликда бир ой муддатда Тошкент врачлар малакасини ошириш институти негизда давлат тиббиёт муассасалари раҳбарлари учун хорижий инвестицияларни жалб этиш ва соғлиқни сақлаш соҳасида инвестицион фаолиятни бошқариш масалалари бўйича мазкур тиббиёт ташкилотларининг бюджетдан ташқари маблағлари ҳисобидан шартнома асосида қисқа муддатли малака ошириш курсларини ташкил қилсин;	Тошкент врачлар малакасини ошириш институти негизда давлат тиббиёт муассасалари раҳбарлари учун хорижий инвестицияларни жалб этиш, соғлиқни сақлаш соҳасида давлат-хусусий шериклик ва инвестицион фаолиятни бошқариш масалалари бўйича қисқа муддатли малака ошириш курсларини ташкил этиш;	2019 йил 5 май	Ў.Исмаилов, К.Эшназаров
		икки ой муддатда қонун ҳужжатларига мазкур қарордан келиб чиқадиган ўзгартириш ва қўшимчалар тўғрисида Ўзбекистон Республикаси Вазирлар Маҳкамасига таклифлар киритсин.	Қонун ҳужжатларига тегишли ўзгартириш ва қўшимчалар киритиш юзасидан таклифлар тайёрлаш.	Бир ой муддатда	Р.Махаммадиев



**Давлат-хусусий шериклик лойиҳалари концепцияларига хулоса бериш  
бўйича ишчи гуруҳ таркиби**

- |                   |   |
|-------------------|---|
| 1. А.Абдурахманов | вилоят соғлиқни сақлаш<br>бошқармаси бошлиғи, ишчи гуруҳ<br>раиси                       |
| 2. Ш.Мамажонов    | бошқарма бошлиғининг биринчи<br>ўринбосари, ишчи гуруҳ раисининг<br>ўринбосари          |
| 3. Р.Асқаров      | бошқарма бошлиғининг<br>ўринбосари, ишчи гуруҳ раиси<br>ўринбосари                      |
| 4. А.Эгамбердиев  | бошқарма бошлиғининг ўринбосари   |
| 5. М.Зулунов      | ССВ ДХШ ва ТТРББ Андижон<br>вилоят ҳудудий бўлими бошлиғи                               |
| 6. А.Исақов       | даволаш-профилактика ёрдами<br>ташкиллаштириш бўлими бошлиғи                            |
| 7. Қ.Сайдумаров   | бошқарма кадрлар бўйича бош<br>мутахассиси  |
| 8. В.Мухитдинов   | лицензиялаш ва аккредитациялаш<br>бўйича бош мутахассиси                                |
| 9. И.Усмонов      | бошқармасининг қурилиш, моддий<br>техника таъминотини<br>мувофиқлаштириш бўлими бошлиғи |
| 10. Б.Ахмедов     | бошқарма бош иқтисодчиси  |
| 11. А.Икромов     | вилоят Давлат санитария<br>эпидемиология назорат маркази<br>бош врач                    |